

Klub SDP BiH
Zastupnica Jelena Pekić

Sarajevo, 13.03.2024. godine

ZA:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo

U skladu sa članom 106. i 213. Poslovnika Skupštine Kantona Sarajevo, dostavljam:

ZASTUPNIČKA INICIJATIVA

Prema Vladi Kantona Sarajevo i Uredu za borbu protiv korupcije i upravljanje kvalitetom Kantona Sarajevo

Za propisivanje obaveznog uspostavljanja Registra godišnjih izvještaja o poslovanju javnih preduzeća, javnih ustanova, fondova, agencija i zavoda čiji je osnivač Kanton Sarajevo

OBRAZLOŽENJE:

U kontekstu transparentnosti, odgovornosti i borbe protiv korupcije, javne institucije nose posebnu odgovornost prema građanima. Međutim, nedostatak adekvatnih mehanizama praćenja i javnog prikazivanja finansijskih izvještaja o poslovanju javnih preduzeća, ustanova, fondova, agencija i zavoda u Kantonu Sarajevo predstavlja svojevrsan izazov, te takav nedostatak transparentnosti u finansijskim operacijama ovih institucija stvara prostor za koruptivne aktivnosti i zloupotrebu javnih sredstava, što u krajnjoj liniji narušava povjerenje građana u institucije sistema.

Cijeneći strateško opredjeljenje Vlade Kantona Sarajevo za kreiranjem antikorupcijskog okruženja, te zakonsku obavezu javnih preduzeća, javnih ustanova, fondova, agencija i zavoda da sačinjavaju godišnje finansijske izvještaje o poslovanju, te da iste imaju dostupne na svojim web stranicama, podnosim ovu inicijativu za uspostavljanje Registra godišnjih izvještaja o poslovanju navedenih javnih entiteta. Ovaj registar bi bio integralni dio web platforme Ureda za borbu protiv korupcije i upravljanje kvalitetom KS, omogućavajući lakoću pristupa ključnim informacijama o finansijskom poslovanju javnih institucija svim zainteresovanim stranama, a prije svega građanima.

Na ovaj način, izvještaji o poslovanju gore navedenih institucija će biti lakše dostupni, praćenje utroška budžetskih sredstava će biti transparentnije, izvještaji će biti blagovremeno dostupni javnosti i u konačnici odgovorna lica u ovim ustanovama će imati dodatnu obavezu da se prema javnim prihodima odnose odgovorno.

Molim vas da odgovor na datu inicijativu dostavite pismeno u elektronskoj formi na službeni mail jelena.pekic@skupstina.ks.gov.ba.

S poštovanjem,

Jelena Pekić
Zastupnica u Skupštini Kantona Sarajevo